



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Internal Affairs

**Broj: 01-11-4-3971-7**

**Dana: 12.11.2020. godine**

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16, 26/19 i 31/19) i čl. 14. i 70. Zakona o javnim nabavkama BiH („Službeni glasnik Bosne i Hercegovine”, broj 39/14) i preporuke Komisije za javne nabavke Ministarstva unutrašnjih poslova Kantona Sarajevo za 2020. godinu, imenovane Rješenjem broj 05-1-11-4-1158 od 28.02.2020. godine u postupku javne nabavke „Nabavka pogonskog goriva za potrebe Ministarstva unutrašnjih poslova Kantona Sarajevo“, ministar unutrašnjih poslova Kantona Sarajevo, **donosi ponovnu**

### **ODLUKU**

#### **o izboru ponuđača za nabavku pogonskog goriva za potrebe Ministarstva unutrašnjih poslova Kantona Sarajevo**

#### **I**

Na osnovu Odluke broj 01-11-4-3971 od 30.07.2020. godine i Obavještenja o nabavci broj 1364-1-1-62-3-50/20 od 31.08.2020. godine, proveden je otvoreni postupak nabavke pogonskog goriva za potrebe Ministarstva unutrašnjih poslova Kantona Sarajevo, uz primjenu e-aukcije.

Od strane Komisije za javne nabavke je, shodno Zakonu o javnim nabavkama BiH, primjenjujući kriterij "najniža cijena", data preporuka da se donese Odluka o dodjeli ugovora ponuđaču "Hifa Petrol" d.o.o. Sarajevo u iznosu od 66.295,24 KM bez PDV-a (šezdesetšesthiljadadvijestotinedevdesetpet i 24/100 KM) za dvije godine na koliko je predviđeno zaključivanje okvirnog sporazuma u predmetnom postupku nabavke.

#### **II**

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

#### **III**

Ova odluka stupa na snagu danom donošenja.



## Obrazloženje

Na osnovu Odluke broj 01-11-4-3971 od 30.07.2020. godine i Obavještenja o nabavci broj 1364-1-1-62-3-50/20 od 31.08.2020. godine, proveden je otvoreni postupak nabavke pogonskog goriva za potrebe Ministarstva unutrašnjih poslova Kantona Sarajevo, uz primjenu e-aukcije.

U predmetnom postupku je, nakon komisijske evaluacije pripjelih ponuda i na osnovu Izvještaja o toku i završetku e-aukcije, donesena Odluka o izboru ponuđača broj 01-11-4-3971-3/20 od 05.10.2020. godine, kojom se okvirni sporazum na dvije godine dodjeljuje ponuđaču „Green Oil“ d.o.o. Sarajevo u iznosu od 62.000,00 KM bez PDV-a.

Međutim, ponuđač „Hifa Petrol“ d.o.o. Sarajevo, izjavio je ovom Ministarstvu žalbu na gore navedenu Odluku o izboru ponuđača.

Po prijemu žalbe u predmetnom postupku od strane ponuđača „Hifa Petrol“ d.o.o. Sarajevo, doneseno je Rješenje broj 01-11-4-3971-4/20 od 22.10.2020. godine kojim se žalba usvaja u cijelosti, poništava Odluka o izboru ponuđača za nabavku pogonskog goriva za potrebe Ministarstva unutrašnjih poslova Kantona Sarajevo broj 01-11-4-3971-3/20 od 05.10.2020. godine, poništava e-aukcija i postupak vraća na ponovnu ocjenu.

Nakon isteka roka za žalbu na predmetno rješenje, odnosno kada su se stekli uslovi za ponovno zakazivanje e-aukcije, putem Agencije za javne nabavke (akt broj 01-11-4-3971-5 od 06.11.2020. godine) je zakazan novi termin e-aukcije za 11.11.2020. u 13:00 sati.

Prema Izvještaju o toku i završetku e-aukcije na dan 11.11.2020. godine ostvarene su sljedeće konačne vrijednosti ponuda, i to kako slijedi:

Rang 1 - HIFA PETROL d.o.o. SARAJEVO u iznosu od 66.295,24 KM bez PDV-a

Rang 2 - HOLDINA d.o.o. SARAJEVO u iznosu od 66.362,00 KM bez PDV-a

Rang 3 - GREEN OIL d.o.o. SARAJEVO u iznosu od 66.763,60 KM bez PDV-a

Shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa članom 70. Zakona o javnim nabavkama BiH („Sl. glasnik BiH“ broj 39/14), Komisija je jednoglasno dala preporuku ministru MUP-a KS da donese odluku o dodjeli ugovora za nabavku pogonskog goriva za potrebe Ministarstva unutrašnjih poslova Kantona Sarajevo ponuđaču „Hifa Petrol“ d.o.o. Sarajevo u iznosu od 66.295,24 KM bez PDV-a za dvije godine na koliko je predviđeno zaključivanje okvirnog sporazuma u predmetnom postupku nabavke.

Cijeneći naprijed navedeno riješeno je kao u dispozitivu.

### POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa čl. 99. i 101. Zakona o javnim nabavkama BiH.



### DOSTAVITI:

1. Ponuđačima x3;
2. Upravi podrške,
3. Komisiji,
- ④ 4. Kabinetu ministra - stručni savjetnik za odnose s javnošću i
5. a/a.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolenciji 16

